

四庫全書

集部

# 欽定四庫全書

集部

御選歷代詩餘卷十五

詳校官中書臣潘有為

侍讀臣孫球覆勘

總校官進士

臣

朱

鈴

校對官編修

臣

盧

遜

謄錄監生

臣

丁湘

錦

欽定四庫全書

御選歷代詩餘卷十五目錄

四十  
六字

更漏子

又一體

溫庭筠

六首

韋莊

牛嶠

二首

毛文錫

顧夔

孫光憲 二首

毛熙震 二首

馮延巳 五首

晏殊 二首

晏幾道 四首

張先 二首

蘇軾

李之儀

賀鑄  
四首

杜安世

毛滂  
三首

向子諲  
三首

趙長卿

許棐

洪咨夔

高觀國

歐良 二首

石孝友

蘇氏

張淑芳

劉基

陳子龍

十二時

晁補之

謝懋

無名氏

二首

畫堂春

謝懋

海棠春

馬莊父

卜算子

又一體

杜安世

前調 又一體

杜安世

浣溪沙 又一體

顧夔

後庭花 又一體

孫光憲

前調 又一體

孫光憲



憶秦娥

人一體

李白

蘇軾

秦觀

晁補之

李之儀

周紫芝

周邦彥

万俟雅言

向子諲

蔡伸  
二首

趙師俠

趙長卿

張元幹

曾覲  
三首

楊无咎

范成大  
五首

陳三聘  
五首

張孝祥  
四首

程垓  
二首

楊萬里

劉克莊  
二首

趙彥端

王千秋  
二首

楊炎

黃機

韓流

汪莘

沈端節

房舜卿

何夢桂

無名氏

二首

朱淑真

孫道絢

完顏璫

趙秉文

張翥

二首

趙雍

倪瓚

二首

楊基

欽定四庫全書

御選歷代詩餘  
卷十五目錄

六

王達

史鑑

陳子龍

陸卿子

葉小鸞

王微

前調 又一體

賀鑄 二首

朱雍

程垓

陸游

張輯

高觀國

孫道綯

顏奎

欽定四庫全書

御選歷代詩餘  
卷十五目錄

七

御選歷代詩餘卷十五目錄



欽定四庫全書

御選歷代詩餘卷十五

四十六字

司經局洗馬掌局事兼翰林院修撰加二級臣王奕清奉

旨校刊

更漏子

又一體雙調四十六字換頭起三字兩句或兩叶仄韻或起平句歷代不拘也

更漏子

溫庭筠

柳絲長春雨細花外漏聲迢遞驚塞鴈起城烏畫屏金

鷓鴣 香霧薄透簾幕惆悵謝家池閣紅燭背繡簾垂  
夢長君不知

前調

溫庭筠

星斗稀鐘鼓歇簾外曉鶯殘月蘭露重柳風斜滿庭堆  
落花 虛閣上倚闌望還似去年惆悵春欲暮思無窮  
舊歡如夢中

前調

溫庭筠

金雀釵紅粉面花裏暫時相見知我意感君憐此情須

問天 香作穗蠟成淚還似兩人心意山枕膩錦衾寒  
覺來更漏殘

前調

溫庭筠

相見稀相憶久眉淺淡煙如柳垂翠幕結同心待郎熏  
繡衾 城上月白如雪蟬鬢美人愁絕宮樹暗鵲橋橫  
玉籤初報明

前調

溫庭筠

背江樓臨海月城上角聲嗚咽堤柳動島烟昏兩行征

鴈分京口路歸帆渡正是芳菲欲度紅燭盡玉繩低  
一聲村落雞

前調

溫庭筠

玉爐香紅蠟淚偏照畫堂秋思眉翠薄鬢雲殘夜長衾  
枕寒梧桐樹三更雨不道離情正苦一葉葉一聲聲  
空階滴到明

前調

韋莊

鐘鼓寒樓閣暝月照古桐金井深院閉小庭空落花香

露紅 煙柳重春霧薄燈背水牕高閣閒倚戶暗沾衣  
待郎郎不歸

前調

牛嶠

星漸稀漏頻轉何處輪臺聲怨香閣掩杏花紅月明楊  
柳風 挑錦字記情事惟願兩心相似收淚語背燈眠  
玉釵橫枕邊

前調

牛嶠

南浦情紅粉淚爭奈兩人深意低翠黛卷征衣馬嘶霜

葉飛 招手別寸腸結還是去年時節書托鴈夢歸家  
覺來江月斜

前調

毛文錫

春夜闌春恨切花外子規啼月人不見夢難憑紅紗一點燈  
偏怨別是芳節庭下丁香千結宵霧散曉霞暉  
梁間雙燕飛

前調

顧夔

舊歡娛新悵望擁鼻含顰樓上濃柳翠晚霞微江鷗接

翼飛簾半捲屏斜掩遠岫參差迷眼歌滿耳酒盈尊  
前非不要論

前調

孫光憲

燭熒煌香旖旎閒放一堆鴛被慵就寢獨無憀相思魂  
欲銷不會得這心力判了依前還憶空自怨奈伊何  
別來情更多

前調

孫光憲

聽寒更聞遠鴈半夜簫孌深院扃繡戶下珠簾滿庭噴

玉蟾 人語靜香閨冷紅幕半垂清影雲雨態蕙蘭心  
此情江海深

前調

毛熙震

秋色清河影淡深戶燭寒光暗綃幌碧錦衾紅博山香  
炷融 更漏咽蛩鳴切滿院霜華如雪新月上薄雲收  
映簾懸玉鉤

前調

毛熙震

煙月寒秋夜靜漏轉金壺初永羅幕下繡屏空燈花結



碎紅 人悄悄愁無了思夢不成難曉長憶得與郎期  
竊香私語時

前調

馮延巳

金翦刀青絲髮香墨蠻牋親劖和粉淚一時封此情千  
萬重 蓬垂鬢塵侵鏡已分今生薄命將遠恨上高樓  
寒江天外流

前調

馮延巳

秋水平黃葉晚落日渡頭雲散捲珠箔挂金鉤暮潮人

倚樓歡娛地思前事歌罷不勝沉醉消息遠夢魂狂  
酒醒空斷腸

前調

馮延巳

鴈南飛人獨坐看却一秋空過瑤草短菊花殘蕭條漸  
向寒簾幕裏青苔地誰信閒愁如醉星移後月圓時  
風搖夜合枝

前調

馮延巳

夜初長人近別夢覺一牕殘月鸚鵡睡蟋蟀鳴西風寒

未成 紅蠟燭彈碁局牀上畫屏山綠  
褰繡幌倚瑤琴  
前懽淚滴襟

前調

馮延巳

風帶寒枝正好蘭蕙無端先老  
悄悄夢依依離人殊  
未歸 褰羅幕凭朱閣不獨堪悲  
搖落月東出鴈南飛  
誰家夜搗衣

前調

晏殊

舜華濃山翠淺一寸秋波如翦  
紅日永綺筵開暗隨仙

馭來 過雲聲迴雪袖占斷曉鶯春柳纔送目又顰眉  
此情誰得知

前調

晏殊

雪藏梅煙著柳依約上春時候初送鴈欲聞鶯綠池波  
浪生 探花開留客醉憶得去年情味金盞酒玉爐香  
任他紅日長

前調

晏幾道

檻花稀池草徧冷落吹笙庭院人去日燕西飛燕歸人

未歸 數書期尋夢意彈指一年春事新  
悵望舊悲涼  
不堪紅日長

前調

晏幾道

柳絲長桃葉小  
深院斷無人到  
紅日淡綠煙晴  
流鶯三兩聲  
雪香濃檀暈少  
枕上卧枝花好  
春思重曉妝遲  
尋思殘夢時

前調

晏幾道

柳間眠花裏醉  
不惜繡裯鋪地  
釵燕重鬢蟬輕  
一雙梅

子青 粉箋書羅袖淚還有可憐新意遮悶綠掩羞紅  
晚來團扇風

前調

晏幾道

露華高風信遠宿醉畫簾低捲梳洗倦冶遊慵綠牕春  
睡濃 綵條輕金縷重昨日小橋相送芳草恨落花愁  
去年同倚樓

前調

流杯堂  
席上作

張先

相君家賓宴集秋葉曉霜紅濕簾額動水紋浮綵花和

水流 薄霞裳酣酒面重把琵琶輕按迴畫撥抹么絃  
一聲飛露蟬

前調

張先

杜陵春春樹晚傷別更堪臨遠南去信欲憑誰歸鴻多  
北歸 小桃枝紅蓓發今夜昔時風月休苦憶說相思  
此情人不知

前調

送孫  
巨源

蘇軾

水涵空山照市西漢二疏鄉里新白髮舊黃金故人恩

義深 東海頭山盡處自古客槎來去槎有信赴秋期  
使君行即歸

前調

李之儀

暑方煩人似愠悵望林泉幽峻情會處景偏長心清聞  
妙香 寶幢低金鑲碎竹影桐陰牕外新事舊舊愁新  
空嗟不見人

前調

賀鑄

上東門門外柳贈別每煩纖手一葉落幾番秋江南獨



倚樓 曲闌干凝佇久薄暮更堪搔首無際恨見閒愁  
侵尋天盡頭

前調

賀 鑄

繡羅垂花蠟換問夜何其將半侵舄履促杯盤留歡不  
作難 今隨闌歌應彈舞按霓裳前段翻翠袖怯春寒  
玉闌風牡丹

前調

賀 鑄

付金釵平斗酒未許解攜纖手吟警句寫詩愁遊驂為

少留舊遊賒新夢後月映隔牕疎柳閒硯席賸衾稠  
今秋似去秋

前調

賀鑄

酒三行琴再弄宛是和鳴雙鳳羅斗帳繡屏風濃香夜  
夜同去年懽今夕夢惆悵曉鐘初動休道夢覺來空  
當時亦夢中

前調

杜安世

雪肌輕花臉薄愁困不忺梳掠眉翠裊眼波長偎人言

語香 看難厭憐不足苦恨別離何速珠樹遠彩鸞孤  
今生重見無

前調

熏香曲

毛滂

玉狻猊金葉暖馥香雲不斷長下著繡簾重怕隨花  
信風 傍薔薇搖露點衣潤得香長遠雙枕鳳一衾鸞  
柳煙花霧間

前調

初秋雨後

毛滂

綠牕寒清漏短帳底沉香火暝殘燭暗小屏彎雲峰遮

夢還 那些愁推不去分付一簷寒雨簷外竹試秋聲  
空庭鶴喚人

前調

和孫公素汎舟觀競渡

毛滂

柳藏煙雲漏日寒滿雕盤玉食風捲旆水搖天魚龍挾  
彩船 水邊人波面樂太守與民同樂春好處總隨軒  
花中誰狀元

前調

雪中韓叔夏席上

向子諲

小牕前疎影下鸞鏡弄妝初罷梅似雪雪如人都無一

點塵 暮江寒人響絕更著朦朧微月山似玉玉如君  
相思一笑溫

前調

題趙伯山  
清白軒

向子諲

竹孤青梅皦白更著使君清絕梅似竹竹如君須知德  
有鄰 月同高風同調月底風前一笑翻翠影度浮香  
與人風味長

前調

向子諲

鵲橋邊牛渚上翠節紅旌相向承玉露御金風年年歲

歲同 嬾飛梭停弄杼遙想綵雲深處人咫尺似關山  
無聊獨倚闌

前調

趙長卿

日彤彤風蕩蕩簾外柳花飛颺紅有限綠無窮雨晴芳  
徑中 腸寸結縈離別還是去年時節春暮也子規啼  
傷春三月時

前調

許棐

淚淹紅腮褪粉等得玉銷花損羞阮鳳怯箏鸞指寒無

好彈 一庭雪半牕月又是獨眠時節孤枕怨小屏愁  
天涯夢裏遊

前調

夜聞桂  
香次韻

洪咨夔

眼生花燈綴粟人在黃金列屋金縷細道冠明膽瓶涼  
意生 緩歌絃停酒竿待得香風吹下斜月轉斷雲回  
風流不讓梅

前調

高觀國

玉簫閒清韻咽人倚畫闌愁絕雲惱月月羞雲半溪梅

影昏恨春風消散後夜夜數殘更漏情悄悄思依依  
天寒一鴈飛

前調

歐良

畫樓深春晝永簾幙東風微冷鶯囀罷燕歸來佳人午  
夢回鬢釵橫眉黛淺一捻楚腰纖軟推繡戶倚雕闌  
無言看牡丹

前調

歐良

鬢慵梳眉慵畫獨自行來花下情脈脈淚垂垂此情知



為誰 雨初晴簾半捲兩兩銜泥新燕人比燕不成雙  
枉教人斷腸

前調

石孝友

驪吟鞭敲醉帽行盡關山古道霜滿地水平田鴈兒聲  
在天 北沙門南浦岸望得眼穿腸斷桐樹巷夢雲樓  
玉兒應也愁

前調

寄李  
玉妹

宋媛

蘇氏

小闌干深院宇依舊當時別處朱戶鎖玉樓空一簾霜

日紅 弄珠江何處是望斷碧雲無際凝淚眼出重城  
隔溪羌笛聲

前調

宋媛  
張淑芳

墨痕香燈下淚點點愁人幽思桐花落蓼花殘鴈聲天  
氣寒 雲棲月青溪塢村到秋來更苦風淅淅水盈盈  
淙淙激不平

前調

咏鴈

劉基

塞門雲湘浦樹畢竟故鄉何處楓葉渚蓼花磯水深繒

嫩穠 蓬萊闕扶桑島極目茫茫煙草蘆荻老稻梁空  
月明江上風

前調

陳子龍

愁眉曉明妝夜多為海棠欲謝紗牕下繡牀間沈吟花  
信寒 殘紅瀉餘香惹撩亂日長時也門寂寂意茫茫  
憑他雙燕忙

十二時

一名桃花曲亦名憶  
少年雙調四十六字

十二時

晁補之

無窮官柳無情畫舸無根行客南山尚相送只高城人  
隔 罨畫園林溪紆碧算重來盡成陳迹劉郎鬢如此  
況桃花顏色

前調

寒食

謝懋

池塘綠徧王孫芳草依依斜日游絲捲晴晝繫東風無  
力 蝶趁幽香蜂釀蜜鞦韆外臥紅堆碧心情費消遣  
更梨花寒食

前調

無名氏

疎疎整整斜斜澹澹盈盈脈脈徒憐暗香句笑梨花顏色  
羈馬蕭蕭行又急空回首水寒沙白天涯倦牢落  
忽一聲長笛

前調

無名氏

淒涼天氣淒涼院落淒涼時候孤鴻叫斜月伴寒燈殘  
漏落盡梧桐秋影瘦菱鑑古畫眉難就重陽又近也  
對黃花依舊

畫堂春

雙調四  
十六字

畫堂春

謝懋

西風庭院雨垂垂  
黃花秋閨遲已涼  
天氣未寒時纔褪  
單衣  
睡起枕痕猶在  
鬢鬆釵壓雲低  
玉匳重拂淡臙  
脂情入雙睂

海棠春

或添令字亦名海棠  
花雙調四十六字

海棠春

馬莊父

柳腰暗怯花風弱紅映秋千院落歸逐鴈兒飛斜撼珍珠箔  
滿林翠葉顰脂萼不忍頻頻覷著護取一庭春  
莫彈花間雀

卜算子

又一體雙調  
四十六字

卜算子

杜安世

尊前一曲歌歌裏千金意纔欲歌時淚已流恨應更多

於淚 試問緣何事不語如癡醉我亦情多不忍聞怕  
和我成憔悴

前調

又一體

杜安世

深院花鋪地淡淡陰天氣水殿風微朱明景又別是愁  
情味 有情奈無計謾惹成憔悴欲把羅巾暗傳寄細  
認處斑點淚

浣溪沙

又一體雙調  
四十六字



浣溪沙

顧 夔

紅藕香殘翠渚平，月籠虛閣夜蛩清。  
天際鴻枕上夢兩牽情。  
寶帳玉爐殘麝冷，羅衣金縷暗塵生。  
小牕涼孤燭背淚縱橫。

後庭花

又一體雙調  
四十六字

後庭花

孫光憲

景陽鐘動宮鶯轉，露涼金殿輕飈吹。  
起瓊花綻玉葉如

翦晚來高閣上珠簾捲見墜香千片修蛾慢臉陪雕  
輦後庭新讌

前調

又一體

孫光憲

石城依舊空江國故宮春色七尺青絲芳草碧絕世難  
得玉英雕落盡更何人識野棠如織只是教人添怨  
憶悵望無極

憶秦娥

又一體雙調四十六字一名秦樓月一名碧雲深  
一名雙荷葉雖列又一體然調名始自李白詞其

三十七字與四十一字皆後  
人換格此為原調正格也

憶秦娥

李白

簫聲咽秦娥夢斷秦樓月秦樓月年年柳色霸陵傷別  
樂遊原上清秋節咸陽古道音塵絕音塵絕西風殘  
照漢家陵闕

前調

蘇軾

雙溪月清光偏照雙荷葉雙荷葉紅心未偶綠衣偷結  
背風迎雨淚珠滑輕舟短棹先秋折先秋折煙鬟未

上玉杯微缺

前調

秦觀

暮雲碧佳人不見愁如織  
愁如織兩行征鴈數聲羌笛  
錦書難寄西飛翼無言只是空相憶  
空相憶紗牕月淡影雙人隻

前調

送別

晁補之

牽人意高堂照碧臨煙水  
清秋至東山時伴謝公攜妓  
黃菊雖殘堪泛蟻乍寒猶有重陽味  
應相記坐中少

箇孟嘉狂醉

前調

李之儀

清溪咽霜風洗出山頭月山頭月迎得雲歸還送雲別  
不知今是何時節凌歊望斷音塵絕音塵絕帆來帆  
去天邊雙闕

前調

周紫芝

東風歇香塵滿院花如雪花如雪看看又是黃昏時節  
無言獨自添香熱相思情緒無人說無人說照人只

有西樓斜月

前調

周邦彥

香馥馥尊前有箇人如玉人如玉翠翹金鳳內家妝束  
嬌羞愛把眉兒蹙逢人只唱相思曲相思曲一聲聲  
是怨紅愁綠

前調

万俟雅言

天如洗金波冷浸冰壺裏冰壺裏一年得似此宵能幾  
等閒莫把闌干倚馬蹄去便三千里三千里幾重雲

岫幾重煙水

前調

向子諲

蟲聲切柔腸欲斷傷離別傷離別幾行清淚界殘紅頰  
玉階白露侵羅襪下簾却望玲瓏月玲瓏月寒光零  
亂照人愁絕

前調

蔡伸

湖光碧春花秋月無今昔無今昔十年往事盡成陳迹  
玉簫聲斷雲屏隔山遙水遠長相憶長相憶一生懷

抱為君牽役

前調

蔡伸

花陰月蘭堂夜宴神仙客神仙客江梅標韻海棠顏色  
良辰佳會誠難得花前一醉君休惜君休惜楚臺雲  
雨今夕何夕

前調

趙師俠

傷離索不堪涼月穿珠箔穿珠箔料應別後粉消瓊削  
無聊倚徧西樓角枝頭幾誤驚飛鵲驚飛鵲先來憔悴



悴更逢搖落

前調

趙長卿

寒蕭索征鴻過盡離懷惡離懷惡江空天迴夜寒楓落  
有人應誤刀頭約情深翻恨郎情薄郎情薄夢回長  
是半牀閒却

前調

張元幹

桃花萼雨肥紅綻東風惡東風惡長亭無際短書難託  
征衫辜負深閨約禁煙時候春羅薄春羅薄多應消

瘦可忺梳掠

前調

曾覲

晴空碧吳山染就丹青色丹青色西風搖落不堪悽惻  
世情冷暖君應識鬢邊各自侵尋白侵尋白江南江  
北幾時歸得

前調

曾覲

風蕭瑟邯鄲古道傷行客傷行客繁華一瞬不堪思憶  
叢臺歌舞無消息金尊玉管空陳迹空陳迹連天衰

草暮雲凝碧

前調

曾覲

暮雲感小亭帶雪斟醺醪  
斟醺醪一聲羌笛落梅簌簌  
舞衣旋趁霓裳曲倚闌相對人如玉  
人如玉錦屏羅幌漸成不足

前調

楊无咎

情難足不堪黃帽催行速  
催行速扁舟一葉別愁千斛  
津亭送客驚相囑舉杯欲唱眉先蹙  
眉先蹙背人掩

面不能終曲

前調

范成大

樓陰缺闌干影外東  
廂月東廂月一天風  
露杏花如雪  
隔煙催漏金蚪咽  
羅幃暗淡燈花結  
燈花結片時春  
夢江南天闊

前調

范成大

湘江碧故人同作湘中客  
湘中客東風回鴈杏花寒食  
溫溫月到藍橋側  
醒心絃裏春無極  
春無極明朝殘

夢馬嘶南陌

前調

范成大

紗幮薄日紅穿幔  
催梳掠  
催梳掠  
新晴天氣  
畫簷聞鵲  
海棠逗曉都開却  
小雲先在闌干角  
闌干角  
楊花滿地  
夜來風惡

前調

范成大

珠簾狹卷簾西院  
花圍合  
花圍合  
晝長人靜  
雙雙蝴蝶  
花前苦殢金蕉葉  
薈騰午睡  
扶頭怯  
扶頭怯  
閒愁無

限遠山斜疊

前調

范成大

香羅薄帶圍寬盡無人覺無人覺東風日暮一簾花落  
西園空鎖秋千索簾垂簾捲閒池閣閒池閣黃昏香  
火畫樓吹角

前調

陳三聘

雲衣薄春晴自有東風掠東風掠試聽枝上幾聲乾鵲  
曲屏心事新題却離愁何用堆眉角堆眉角今朝莫

是打頭風惡

前調

陳三聘

花前狹翠茵圍坐花陰合花陰合閒情不似一雙狂蝶  
春溝何處尋紅葉春寒料想羅衣怯羅衣怯午醺醒  
未翠衾重疊

前調

陳三聘

光風薄楊花欲謝春應覺春應覺一庭紅杏粉花吹落  
冶遊無復飛紅索凭高獨上湖邊閣湖邊閣黃昏獨

倚畫闌西角

前調

陳三聘

青樓缺樓心人倚黃昏月黃昏月入簾無奈柳絲吹雪  
誰人弄笛聲嗚咽傷春未解丁香結丁香結鱗鴻何  
處路遙江闊

前調

陳三聘

春膏集新雷忽起龍蛇蟄龍蛇蟄柳塘風快水流聲急  
傷心有淚憑誰裒尊前容易青衫濕青衫濕渡頭人



去野船鷗立

前調

張孝祥

雲垂幕陰風慘淡天花落天花落千林瓊玖滿空鸞鶴  
征車縹緲穿花薄路迷一路增離索增離索楚溪山  
水碧湘樓閣

前調

梅

張孝祥

梅花發寒梢挂著瑤臺月瑤臺月和羹心事履霜時節  
斷橋流水聲嗚咽行人立馬空愁絕空愁絕為誰凝

佇為誰攀折

前調

元夕

張孝祥

元宵節鳳樓相對鰲山結鰲山結香塵隨步柳梢微月  
多情又見珠簾揭遊人不放笙歌歇笙歌歇曉煙輕  
散帝城宮闕

前調

張孝祥

天一角南枝向我情如昨情如昨水寒煙淡霧輕雲薄  
吹花嚼蕊愁無託年華冉冉驚離索驚離索倩春留

住莫教搖落

前調

程垓

情脈脈半黃橙子和香擘和香擘分明記得袖香薰窄  
別來人遠關山隔見梅不忍和花摘和花摘有書無  
鴈寄誰歸得

前調

程垓

愁無語黃昏庭院黃梅雨黃梅雨新愁一寸舊愁千縷  
杜鵑叫斷空山苦相思欲訴人何許人何許一重雲

斷一重山阻

前調

楊萬里

新春早春前十日春歸了春歸了落梅如雪野桃紅小  
老夫不管春催老只圖爛醉花前倒花前倒兒扶歸  
去醒來牕曉

前調

劉克莊

遊人絕綠陰滿野芳菲歇芳菲歇養蠶天氣採茶時節  
枝頭杜宇啼成血陌頭楊柳吹成雪吹成雪淡煙微

雨江南三月

前調

劉克莊

修禊節晉人風味終然別終然別當時賓主至今清絕  
等閒寫就蘭亭帖豈知留與人間說人間說永和之  
歲暮春之月

前調

瑞香

趙彥端

香簌簌小山叢桂烘如玉烘如玉酒愁花暗柳腰如束  
煩君剩與陽春曲為君細拂衾羅馥衾羅馥一春幽

悶與君相續

前調

王千秋

雲破碧作霜天氣西風急西風急一行征鴈數聲橫笛  
挑燈試問今何夕柔腸底事愁如織愁如織紫苔庭  
院悄無人跡

前調

王千秋

雲葉舞寒林淺淡圍煙雨圍煙雨三三兩兩鴈投沙渚  
征帆暫落知何所短篷靜聽舟人語舟人語夜寒如

許客能眠否

前調

楊炎

東風寂垂楊舞困春無力春無力落紅不管杏花狼籍  
斷腸芳草萋萋碧新來怪底相思極相思極冷煙池  
館又將寒食

前調

黃機

秋蕭索梧桐落盡西風惡西風惡數聲新鴈數聲殘角  
離愁不管人飄泊年年辜負黃花約黃花約幾重庭

院幾重簾幕

前調 茉莉

韓 澮

香滴滴肌膚冰雪嬌無力嬌無力秋風涼冷有誰消得  
洗妝不奈雲鬟側壁堂珠院空相憶空相憶輕顰淺  
笑小梅標格

前調

汪 莘

村南北夜來陟覺霜風急霜風急征途情緒塞垣消息  
佳人獨抱琵琶泣一江明月空相憶空相憶寒衣未



絮荻花狼藉

前調

沈端節

憑闌獨南山影蘸杯心綠  
杯心綠悠然忽見卧披橫軸  
西風暗度釵梁玉手香  
記得人簪菊人簪菊無窮幽  
韻細看不足

前調

房舜卿

與伊別相思一夜梅花發  
梅花發淒涼南浦斷橋斜月  
盈盈微步凌波韞東風笑倚  
天涯闊天涯闊一聲羌

笛暮雲愁絕

前調

何夢桂

傷離別江南鴈斷音書絕音書絕兩行珠淚寸腸千結  
傷心長記中秋節今年還似前年月前月那知今  
夜月圓人缺

前調

題蓬萊閣

無名氏

煙漠漠海天搖蕩蓬萊閣蓬萊閣朱甍碧瓦半侵寥廓  
三生謾有長生藥茫茫雲海風濤惡風濤惡仙槎不

見暮沙潮落

前調

無名氏

秋寂寂碧紗牕外人橫笛人橫笛天津橋上舊曾聽得  
宮妝玉指無人識龍吟水底聲初息聲初息月明江  
岸數峰凝碧

前調

宋媛

朱淑真

彎彎曲新年新月鉤寒玉鉤寒玉鳳鞵兒小翠睂兒蹙  
鬧蛾雪柳添妝束燭龍火樹爭馳逐爭馳逐元宵三

五不如初六

前調

季溫歸樵  
陽書寄

宋媛

孫道綯

秋寂寞秋風夜雨傷離索傷離索老懷無奈淚珠零落  
故人一去無期約尺書忽寄西飛鶴西飛鶴故人何  
處水村山郭

前調

完顏璫

寒仍暑春來秋去無今古無今古梁園風月汴堤煙雨  
水涵天影秋如許夕陽低處征帆舉征帆舉一行驚

鴈數聲柔櫓

前調

趙秉文

簫聲苦簫聲吹斷  
夸山雨夸山雨  
人空不見吹臺歌舞  
危樓目極傷平楚  
斷霞落日懷千古  
懷千古一杯還  
酹信陵墳土

前調

張翥

江南北金鞍一去  
空消息空消息  
雞聲月店鴈聲霜驛  
春醪誰道濃無滴  
十分滿引渾無力  
渾無力離愁似

海怎生乾得

前調

張翥

金杯側東風易醉多情客多情客送君南浦送春南陌  
落花巧妬羅裙色舞紅變盡休輕拆休輕拆待他歸  
看舊時寬窄

前調

趙雍

春寂寂重門半掩梨花白梨花白芳心如醉暗思當日  
金釵欲墜烏雲側佳人望斷天涯客天涯客今年又

過清明寒食

前調

倪瓚

扶疎玉蟾宮樹影闌干曲闌干曲一襟香露幾枝金粟  
姮娥鏡掩秋雲綠無端風雨聲相續聲相續不須澄  
霽為沽醺醪

前調

倪瓚

參差玉笙聲暮起瑤臺曲瑤臺曲輕風香浸夜涼肌粟  
黃雲巧綴飛霞綠清吟未斷秋霖續秋霖續恐辜花

意倒尊中醪

前調

楊花

楊基

東風惡一溪春水揚花落  
揚花落惹人衫袖綴人簾幙  
纔飛却墮能纖弱  
倏來還去無拘著  
無拘著山遙水遠  
任伊飄泊

前調

王達

愁如縷誰家落日敲秋杵  
敲秋杵淡煙疎柳故人何許  
別來每恨關山阻  
征鴻影落芙蓉渚  
芙蓉渚短篷孤



竹幾聲疎雨

前調

湖上  
次韻

史鑑

湖邊寺樓臺舊是春遊地  
春遊地千花張錦兩山橫翠  
西風開檻秋無際  
青山不改朱顏異  
朱顏異斷橋殘  
柳伴人憔悴

前調

柳絮

陳子龍

春漠漠香雲吹斷紅文幕  
紅文幕一簾殘夢任他飄泊  
輕狂無奈東風惡  
蜂黃蝶粉同零落  
同零落滿池萍

水夕陽樓閣

前調 感舊

明媛  
陸卿子

砧聲咽梅花夢斷紗牕月紗牕月半枝疎影一簾淒切  
心前舊願難重說花飛春老流鶯絕流鶯絕今宵試  
問幾人離別

前調

明媛  
葉小鸞

湘簾揭梧桐落向銀牀咽銀牀咽半庭斜日數堆黃葉  
繡屏一縷消春怯花闌又見飛蝴蝶飛蝴蝶怪他輕

薄搗衣時節

前調

明妓

王微

多情月偷雲出照無情別無情別清輝只似暫圓常缺  
傷心好對西湖說湖光如夢湖流咽湖流咽離愁又  
似半明不滅

前調

又一體

賀鑄

曉朦朧前溪百鳥啼  
勿啼勿啼勿凌波人去拜月樓空  
舊年今日東門東  
鮮妝輝映桃花紅  
桃花紅吹開吹

落一任東風

前調

桑

賀鑄

著春衫玉鞭鞭馬南城南南城南柔桑細草留住金銜  
粉娥采葉共親蠶蠶饑略許攜纖纖攜纖纖湔裙淇  
上更待初三

前調

梅

朱雍

風蕭蕭驛亭春信期春潮期春潮黃昏浮動誰在江皋  
碧雲冉冉橫溪橋瓊車未至餘香飄餘香飄一簾疎

影月在花梢

前調

程垓

青門深海棠開後春陰陰春陰陰萬重雲水一寸歸心  
玉樓深鎖煙銷沉知他何日同登臨同登臨待收紅  
淚細說如今

前調

陸游

玉花驄晚街金轡聲璁璫聲璁璫開敵烏帽又過城東  
富春巷陌花重重千金沽酒酬春風酬春風笙歌圍

裏錦繡叢中

前調

張輯

風淒淒井欄絡緯驚秋啼驚秋啼涼侵好夢月正樓西  
捲簾望月知心誰關河空隔長相思長相思碧雲暮  
合有美人兮

前調

高觀國

樓烏驚隔牕月色寒於冰寒於冰淡移梅影冷印疎櫺  
幽香未覺魂先清無端勾起相思情相思情惱人無

睡直到天明

前調

宋媛

孫道絢

花深深一鉤羅韞行花陰行花陰閒將柳帶試結同心  
日邊消息空沉沉畫眉樓上愁登臨愁登臨海棠開  
後望到如今

前調


顏奎

水雲幽怕黃霜竹生新愁生新愁如今何處倚月南樓  
龍吟杳杳天悠悠騰蛟起鳳鳴笙篴鳴笙篴聽吹短

欽定四庫全書

御選歷代詩餘  
卷十五

氣江上無秋



御選歷代詩餘卷十五



欽定四庫全書

集部

御選歷代詩餘卷十六

詳校官中書<sub>臣</sub>潘有為

侍讀<sub>臣</sub>孫球覆勘

總校官進士<sub>臣</sub>朱鈴

校對官編修<sub>臣</sub>盧遵

謄錄監生<sub>臣</sub>丁湘錦

欽定四庫全書

御選歷代詩餘卷十六目錄

四十  
七字

阮郎歸

南唐李煜

馮延巳

二首

司馬光

歐陽修

二首

晏幾道

五首

張先

蘇軾  
二首

黃庭堅  
四首

秦觀  
五首

晁補之  
三首

李之儀

毛滂

蘇庠

周紫芝  
三首

謝逸  
三首

周邦彥  
二首

曹組

蔡伸

趙師俠  
二首

趙長卿  
三首

曾覲

侯寘

二首

趙彥端

二首

馬莊父

王炎

嚴仁

徐照

史達祖

二首

翁孟寅

洪璚

方千里

二首

黃昇

吳文英

五首

蔣捷

李演

張炎

翁元龍

趙君舉

王同祖

魏氏

詹正

王從叔

張埜

劉基

二首

吳子孝

二首

吳寬

張大烈

三首

湯顯祖

陳子龍

前調

又一體

端淑卿

畫堂春

又一體

秦觀

二首



趙師俠

趙長卿

二首

趙鼎

趙彥端

鄭域

吳子孝

二首

莫是龍

陸卿子

喜遷鶯

又一體

南唐李煜

和凝

晏幾道

夏竦

前調

又一體

薛昭蘊

三首

許棐

前調 又一體

韋莊 二首

周邦彥 二首

夏言

前調 又一體

晏殊 二首

前調 又一體

馮延巳 二首

晏殊  
二首

前調  
又一體

毛文錫

前調  
又一體

劉基

吳子孝  
三首

御選歷代詩餘卷十六目錄

欽定四庫全書

御選歷代詩餘卷十六

四十七字

司經局洗馬掌局事兼翰林院修撰加二級臣王奕清奉

旨校刊

阮郎歸

用阮肇事名調一名醉桃源一名碧雲春一名鶴  
冲天雙調四十七字以南唐李煜作為定體後人  
平仄互異者皆非

阮郎歸

南唐李煜

東風吹水日銜山春來長是閒落花狼藉酒闌珊笙歌  
醉夢間春睡覺晚妝殘憑誰整整翠鬟留連光景惜朱  
顏黃昏獨倚闌

前調

馮延巳

南園春半蹋青時風和聞馬嘶青梅如豆柳如絲日長  
蝴蝶飛花露重草煙低人家簾幙垂鞦韆慵困解羅  
衣畫梁雙燕歸

前調

馮延巳

角聲吹斷隴梅枝，孤牕月影低。  
塞鴻無限欲驚飛，城烏休夜啼。  
尋斷夢，掩香閨，行人去路迷。  
門前楊柳綠陰齊，何時聞馬嘶。

前調

司馬光

漁舟容易入深山，仙家日日閒。  
綺牕紗幌映朱顏，相逢醉夢間。  
松露冷，海霞殷，匆匆整棹還。  
落花寂寂水潺潺，重尋此路難。

前調

歐陽修



劉郎何日是來期無心雲勝伊行雲猶解傍山扉郎行  
去不歸強勻面又芳菲春深輕薄衣桃花無語伴相  
思陰陰月上時

前調

歐陽修

落花浮水樹臨池年前心眼期見來無事去還思而今  
花又飛淺螺黛淡顰脂閒妝取次宜隔簾風雨閉門  
時此情風月知

前調

晏幾道

粉痕閒印玉尖纖，啼紅傍晚，曉窗舊寒新。暝尚相兼，梅疎待雪添春。冉冉恨，懨懨章臺對卷簾。箇人鞭影弄涼蟾，樓前側帽簷。

前調

晏幾道

來時紅日弄牕紗，春紅入睡霞去時。庭樹欲棲鴉，香屏掩月斜。收翠羽，整妝華。青驪信又差。玉笙猶戀碧桃花。今宵未憶家。

前調

晏幾道

舊香殘粉似當初  
人情恨不如  
一春猶有數行書  
秋來書更疎  
衾鳳冷枕鸞孤  
愁腸待酒舒  
夢魂縱有也成虛  
那堪和夢無

前調

晏幾道

天邊金掌露成霜  
雲隨鴈字長  
綠盃紅袖趁重陽  
人情似故鄉  
蘭佩紫菊簪黃  
殷勤理舊狂  
欲將沉醉換悲涼  
清歌莫斷腸

前調

晏幾道

晚妝長趁景陽鐘  
雙蛾著意濃  
舞腰浮動綠雲穠  
櫻唇半點紅  
憐美景惜芳容  
沉思暗記中  
春寒簾幙幾重  
重楊花盡日風

前調

渭州作

張先

雙歌連袂近香猊  
歌隨鏤板齊  
分明珠索漱煙溪  
凝雲定不飛  
脣破點齒編犀  
春鶯莫亂啼  
陽關更在碧峰  
西相看翠黛低

前調

蘇軾

綠槐高柳咽新蟬薰風初入絃  
碧紗牕下水沉煙棋聲驚晝眠  
微雨過小荷翻榴花開欲然  
玉盃纖手弄清泉瓊珠碎又圓

前調

集句  
梅花

蘇軾

暗香浮動月黃昏堂前一樹春  
東風何事入西鄰兒家常閉門  
雪肌冷玉容真香腮粉未勻  
折花欲寄隴頭人江東日暮雲

前調

茶二  
首

黃庭堅

歌停檀板舞停鸞高陽飲興闌獸煙噴盡玉壺乾香分  
小鳳團雪浪淺露花圓捧甌春筍寒絳紗籠下躍金  
鞍歸時人倚欄

前調

黃庭堅

黔中桃李可尋芳摘茶人自忙月團犀胯鬪圓方研膏  
入焙香青箬裹絳紗囊品高聞外江酒闌傳盃舞紅  
棠都濡春味長

前調

黃庭堅

退紅衫子亂蜂兒  
衣寬只為伊為伊去得忒多時  
教人直是疑  
長睡晚理妝遲  
愁多嬾畫眉  
夜來算得有歸期  
燈花則甚知

前調

黃庭堅

貧家春到也  
騷騷瓊漿注小槽  
老夫不出長蓬蒿  
鄰牆開碧桃  
木芍藥  
品題高一枝  
煩剪刀  
傳盃猶似少年豪  
醉紅侵雪毛

前調

秦觀

褪花新綠漸團枝  
撲人風絮飛秋千  
未拆水平堤落紅  
成地衣  
遊蝶困乳鶯啼  
怨春春怎知日長  
早被酒禁持  
那堪更別離

前調

秦觀

宮腰裊裊翠鬟鬆  
夜堂深處逢無端  
銀燭隕秋風靈犀  
得暗通  
更有限恨無窮  
星河沈曉空隴頭  
流水各西東  
佳期如夢中

前調

秦觀



滿湘門外水平鋪月寒征棹孤紅妝飲罷少踟躕有人  
偷向隅 揮玉筯灑真珠梨花春雨餘人人盡道斷腸  
初那堪腸也無

前調

秦觀

碧天如水月如睂城頭銀漏遲綠波風動畫船移嬌羞  
初見時 銀燭暗翠簾垂芳心兩自知楚臺魂斷曉雲  
飛幽歡難再期

前調

秦觀

春風吹雨遶殘枝落花無可飛小池寒綠欲生漪雨晴  
還日西 簾半捲燕雙歸諱愁無奈睂翻身整頓著殘  
棋沈吟應却遲

前調

晁補之

小樓獨上暮鐘時紅霞樓外飛煙中遠鳥一雙歸城門  
燈火微 橫短吹傍危梯冰輪湧海遲天涯幽恨有誰  
知涼風時動衣

前調

泛濟州  
環溪

晁補之

西城北渚舊追隨荒臺今是非白蘋無際綠蒲迷停舟  
憶舊時雙鴨戲亂鷗飛人家煙雨西不成攜手折芳  
菲蘭橈惆悵歸

前調

晁補之

一濠秋水淨漣漪紅妝照水嬉攀條尋藕怯船移浮萍  
濕繡衣臨好景惜輕歸夕陽洲渚迷城門燈火簇輪  
蹄沙鷗飛去時

前調

李之儀

朱脣玉羽下蓬萊佳時近早梅惜花情味久安排枝頭  
開未開魂欲斷恨難裁香心休見猜果如何遜是仙  
才何妨入夢來

前調

毛滂

兩餘煙草弄春柔芳郊翠欲流暎風時轉柳花毵晴光  
爛不收紅盡處綠新稠穠華只暫留却因留下等閒  
愁令人雙鬢秋

前調

蘇庠

西園風暖落花時  
綠陰鶯亂啼  
倚闌無語惜芳菲  
絮飛蝴蝶飛  
緣底事減腰圍  
遣愁愁著眉  
波連春渚暮天垂  
燕歸人未歸

前調

周紫芝

酴醾花謝日遲遲  
楊花無數飛  
章臺側畔儘風吹  
飄零無定期  
煙漠漠草萋萋  
江南春盡時  
可憐蹤跡尚東西  
故園何日歸

前調

周紫芝

月榭疎影照嬋娟閒臨小玉盤  
棗花金釧出纖纖棋聲  
敲夜寒飛電冷水精圓夜深人未眠  
笑催爐獸暝衾  
鴛鴦莫教銀漏殘

前調

西湖摘  
楊梅

周紫芝

西湖山水潺潺滿山風雨寒枝頭紅日曉  
攔斑越梅  
催染丹連翠葉擁金盤玉池生乳泉  
此生三度試甘  
酸欲歸歸尚難

前調

謝逸

花枝破蕾柳梢青春寒拂面輕一睂新月影三星銅荷  
燭燼零 低鳳扇裊霓旌珊珊環珮聲坐間誰識許飛  
瓊對郎仙骨清

前調

謝逸

風飄萬點落花飛殘紅枝上稀平蕪葉葉淡煙迷那堪  
春鳥啼 風細細日遲遲輕紗疊雪衣多情多病嬾追  
隨玉人應恨伊

前調

雪

謝逸

晨光曉色埽簷晶寒多蝶夢驚亂飄鴛瓦細無聲悠揚  
柳絮輕書幌冷竹牕明柴門只獨扃一尊濁酒為誰  
傾梅花相對清

前調

周邦彥

冬衣初染遠山青雙絲雲鴈綾衣寒袖濕欲成冰都緣  
珠淚零情黯黯悶騰騰身如秋後蠅若教隨馬逐郎  
行不辭多少程

前調

周邦彥



菖蒲葉老水平沙臨流蘇小家畫欄曲徑宛秋蛇金英  
垂露華燒蜜炬引蓮娃酒香醺臉霞再來重約日西  
斜倚門聽暮鴉

前調

曹組

簷頭風珮響丁東簾疎燭影紅秋千人散月溶溶樓臺  
花氣中春酒醒夜寒濃繡衾誰與同只愁夢短不相  
逢覺來羅帳空

前調

蔡伸

煙籠寒水暝禽栖滿庭紅葉飛蘭堂寂寂畫簾垂霜濃  
更漏遲 鴛被冷麝香微強敲單枕時西牕看盡月痕  
移此情君怎知

前調

桐江  
舟中

趙師俠

微雲埽盡碧虛寬月華光影寒山河表裏鑑中看沈沈  
清夜闌 風細細露漙漙神遊八極間九霄回首望塵  
寰悠悠醉夢還

前調

趙師俠

杜鵑花發映山紅  
韶光覺正濃  
水流紅紫各西東  
綠肥春已空  
閒戲蝶嬾遊蜂  
破除花影重  
問春何事不從容  
憂愁風雨中

前調

詠春

趙長卿

和風暖日小層樓  
人間春事幽  
杏花深處一聲鳩  
花飛水自流  
尋舊夢續揚州  
睂山相對愁  
憶曾和淚送行舟  
清江古渡頭

前調

送別  
詠鶯

趙長卿

東城沙軟馬蹄輕  
清和雨乍晴  
柳陰曲徑泣流鶯  
淒涼不忍聽  
休苦怨  
莫悲鳴  
何須兩淚傾  
但將巧語寫心誠  
東君肯薄情

前調

客中  
見梅

趙長卿

年年為客徧天涯  
夢遲歸路賒  
無端星月浸牕紗  
一枝寒影斜  
腸未斷  
鬢先華  
新來瘦轉加  
角聲吹徹小梅花  
夜長人憶家

前調

待宴池上  
賦惟燕

曾覲

柳陰庭館占風光  
呢喃清晝長  
碧波新漲小池塘  
雙雙蹴水忙  
萍散漫絮飄颺  
輕盈體態狂  
為憐流去落紅香  
銜將歸畫梁

前調

和邢公珪

侯寘

莫欺騎省鬚邊華  
曾眠蘇小家  
絲絲紫腕翦輕霞  
菖蒲酒更嘉  
人別後  
歎飛花  
雲山和夢遮  
吳牋小字寫流沙  
幾行秋鴈斜

前調

侯寘

薰風吹盡不多雲  
曉天如水清  
哦松庭院忽聞笙簾疎  
香篆明  
蘭玉盛  
鳳和鳴  
家聲留漢庭  
絨鞍長傍九重城  
年年雙鬢青

前調

趙彥端

歲寒堂下兩株梅  
商量先後開  
春前日遶一千回  
花來春又來  
冰可斷  
玉堪栽  
寒空無暖埃  
為君翻動臘前醅  
酒醒香滿懷

前調

餘干  
留別

趙彥端

三年何許競芳辰  
君家千樹春  
如今欲去復逡巡  
好花留住人  
紅蕊亂綠陰  
勻綠雲  
新又新  
只因小闌記情  
親動君梁上塵

前調

西湖

馬莊父

清明寒食不多時  
香紅漸漸稀  
番騰妝閣闌  
蘇堤留春  
春怎知  
花褪雨絮沾泥  
凌波寸寸移  
三三兩兩叫船  
兒人歸春也歸

前調

王炎

落花時節近清明  
南園芳草青  
東風料峭雨難晴  
那堪中宿醒  
回首處  
自銷凝  
誰知太瘦生  
倚闌無語不禁情  
杜鵑啼數聲

前調

嚴仁

拍堤春水蘸垂楊  
水流花片香  
弄花噤柳小鴛鴦  
一雙隨一雙  
簾半捲  
露新妝  
春衫是柳黃  
倚闌看處背斜陽  
風流暗斷腸

前調

徐照



綠楊庭戶靜沈沈楊花吹滿襟晚來閒向水邊尋驚飛  
雙浴禽 分別後重登臨暮寒天氣陰妾心移得在君  
心方知人恨深

前調

史達祖

龍香吹袖向藤鞭帽簷衝柳煙一春幾度畫橋邊東風  
聽管絃 花活計酒因緣從人嘲少年真須吟就綠楊  
篇灣頭寄小憐

前調

史達祖

舊時明月舊時身舊時梅萼新舊時月底似梅人梅春  
人不春香入夢粉成塵情多多斷魂芙蓉孔雀夜溫  
溫愁痕卽淚痕

前調

翁孟寅

日高樓外柳花明單衣怯露零小橋燈影落殘星寒煙  
蘸水萍歌袖窄舞鬟輕梨花夢滿城落紅啼鳥兩無  
情春愁添曉醒

前調

鄧武試  
燈夕

洪璚

東風吹破藻池冰清光開五雲綠情紅意兩逢迎扶春  
來遠林花豔豔玉英英羅衣金縷明鬧蛾兒簇小蜻  
蜓相呼看試燈

前調

方千里

良宵相對一燈青相思寫研綾去時情淚滴紅冰西風  
吹涕零愁宛轉意飛騰晴牕穿紙蠅夢知關塞不堪  
行憶君猶問程

前調

方千里

鴛鴦濃睡碧溪沙  
荷花深處家  
快風收電掣金蛇  
深波流素華  
吳國豔楚宮  
娃紅潮連翠霞  
坐來忽忽燭光斜  
城頭聞亂鴉

前調

黃昇

粉香吹暎透單衣  
金泥雙鳳飛  
閒來花下立多時  
春風酒醒遲  
桃葉曲柳枝  
詞芳心空自知  
湘皋月冷珮聲微  
鴈歸人不歸

前調

贈盧長笛

吳文英

沙河塘上舊遊嬉  
盧郎年少時一聲長笛月中吹  
和雲和鴈飛  
驚物換歎星移  
相看兩鬢絲  
斷腸吳苑草  
萋萋倚樓人未歸

前調

芙蓉

吳文英

青春花柳不同時  
淒涼生較遲  
豔妝臨水最相宜  
風來吹繡漪  
驚舊事  
問長睂  
月明仙夢回  
凭闌人但覺秋肥  
花愁人不知

前調

會飲豐樂樓

吳文英

翠陰濃合曉鶯提春如日墜西畫圖新展遠山齊花深  
十二梯風絮晚醉魂迷隔城聞馬嘶落紅微沁繡鴛  
泥秋千教放低

前調

荷塘小隱  
賦燭影

吳文英

金丸一樹帶霜華銀臺搖豔霞燭陰樹影兩交加秋紗  
機上花飛醉筆駐吟車香浮小隱家明朝客夢付啼  
鴉歌闌月未斜

前調

元日

吳文英

五更櫪馬靜無聲鄰雞猶怕驚日華平曉弄春明暮寒  
愁翳生新歲夢去年情殘宵半酒醒春風無定落梅  
輕斷鴻長短亭

前調

蔣捷

雪飛燈背鴈聲低寒生紅被池小屏風畔立多時閒看  
番馬兒新搵淚舊題詩一般羅帶垂瓊簫夜夜挾愁  
吹梅花知不知

前調

題小  
扇

李演

雙鴛初放步雲輕香簾蒸午晴杏鎔暗淚結紅冰留春  
蝴蝶情 寒薄薄日陰陰錦鳩花底鳴春懷一似草無  
憑東風吹又生

前調

有懷  
北遊

張炎

鈿車驕馬錦相連香塵逐管絃瞥然飛過水秋千清明  
寒食天 花貼貼柳懸懸鶯房幾醉眠醉中不信有啼  
鵲江南二十年

前調

翁元龍



千絲風雨萬絲晴  
年年長短亭  
嫩黃看到綠成陰  
春由他送迎  
鶯思重  
燕愁輕  
如人離別情  
遶湖煙冷  
罩波明  
畫船移玉笙

前調

趙君舉

馬蹄蹋月響空山  
梅生煙壑  
寒水仙去後  
淚痕乾  
天風吹珮蘭  
紉香久  
怕花殘  
與君聊據鞍  
一枝欲寄  
北人看  
如今行路難

前調

王同祖

一簾疎雨細於塵  
春寒愁煞人  
桐花庭院近清明  
新煙浮舊城  
尋蝶夢怯鶯聲  
柳絲如妾情  
丙丁帖子畫教成  
妝臺求晚晴

前調

宋媛  
魏氏

夕陽樓外落花飛  
晴空碧四垂  
去帆回首已天涯  
孤煙捲翠微  
樓上客鬢成絲  
歸期未有期  
斷魂不忍下樓梯  
桐陰月影移

前調

詹正

斜河一道界相思好秋都上睂鸞牋象管寫心啼搦愁  
題做詩 添別恨卜歡期燈花紅幾時看看月上小牕  
兒夜香今夜遲

前調

王從叔

風中柳絮水中萍聚散兩無情斜陽路上短長亭今朝  
第幾程 何限事可憐生能消幾度春別時言語總傷  
心何曾一字真

前調

張堃

青山重疊水縈紆  
扁舟隔岸呼依稀  
綠暗輞川圖又疑  
陶令居紅樹晚  
白雲孤乾坤別一壺  
草堂瀟灑華牕  
虛箇中容我無

前調

劉基

曉寒楊柳綠如濡  
園林新雨餘  
紫苔成暈上階除  
日高庭院虛  
官况嬾世情疎  
斷腸芳歲徂  
暮雲不見北飛  
魚路遙誰寄書

前調

劉基

寥寥庭館暮寒時  
四簷鳴雨垂博山  
沉水吐遊絲  
玉釭花燼微  
蟾影淺漏聲遲  
愁多成夢稀  
客行雖好不如歸  
有懷當語誰

前調

曉霧

吳子孝

一江寒霧碧籠沙  
冥迷十萬家  
沙頭風急颭蘆花  
城頭噪曙鴉  
簾乍捲鼓頻撾  
日光生海涯  
長空晴豁水天賒  
青山五色霞

前調

吳子孝

池塘風靜玉波閒  
鶯啼花又殘  
竹梢經雨葉團團  
翠光流素闌  
開繡幙對家山  
雲來濕鬢  
鬟樹枝橫碧擁  
攢  
屹分明圖畫間

前調

題倦繡士女圖

吳寬

日高碧樹午陰圓  
繡床人未眠  
迴文錦字綵絲纏  
停鍼還悵然  
飛絮底落花邊  
青春將暮  
天玉人一去不知還  
還難將幽恨傳

前調

前題步韻

張大烈

花陰正午日光圓手慵神欲眠鴛鴦繡就翅難纏尋思  
獨惘然桃障底柳絲邊豔陽惹恨天錦文寄去信無  
還全憑午夢傳

前調

春歸

張大烈

紅英亂點別風枝綠楊黃鳥飛鴛鴦戲水水漣漪倚樓  
日墜西凝眼望憶郎歸遠山鎖黛看江濱幾片暮帆  
移迷煙遶浦遲

前調

立夏

張大烈

綠陰鋪野換新光  
薰風初晝長  
小荷貼水點橫塘  
蝶衣曬粉忙  
茶鼎熟酒卮揚  
醉來詩興狂  
燕雛似惜落花香  
雙銜歸畫梁

前調

湯顯祖

不經人事意相關  
牡丹亭夢殘  
斷腸春色在睂彎  
倩誰臨遠山  
排恨疊怯衣單  
花枝紅淚彈  
蜀妝晴雨畫來難  
高唐雲影間

前調

題畫

陳子龍



朱闌清影下簾時  
泠泠修竹低滿園  
空翠拂人衣  
流鶯無限啼  
蓮葉小  
荇花齊  
雨餘雙燕歸  
紅泉一帶過橋西  
香消午夢微

前調

又一體

明媛  
端淑卿

園林春到清明節  
花柳愁攀折  
人生何事輕離別  
水遠山重疊  
杜宇啼殘  
更月銀缸照  
明滅  
莊周有夢驚飛蝶  
關心猶未說

畫堂春

又一體雙調  
四十七字

畫堂春

秦觀

落紅鋪徑水平池  
弄晴小雨霏霏  
杏園憔悴杜鵑啼  
無奈春歸  
柳外畫樓獨上  
凭闌手撚花枝  
放花無語對斜暉  
此恨誰知

前調

秦觀

東風吹柳日初長  
雨餘芳草斜陽  
杏花零亂燕泥香  
睡損紅妝  
寶篆煙銷龍鳳  
画屏雲鎖  
瀟湘夜寒微透  
薄

羅裳無限思量

前調

梅

趙師俠

西真仙子宴瑤池素裳瓊豔冰肌瑞籠香霧撲銖衣鳳  
翥驚飛玉骨解凌風露鉛華不浣凝脂戍樓羌管正  
孤吹月淡煙低

前調

長新  
亭

趙長卿

小亭煙柳水溶溶野花白白紅紅惱人池上晚來風吹  
損春容又是清明天氣當年小院相逢凭闌幽思幾

千重殘杏香中

前調

賞海棠

趙長卿

夜來暖趁海棠時  
臉邊勻透  
燕脂亂紅嬌影困  
垂垂睡損楊妃  
多少玉溫香潤  
朱脣綠鬢相偎  
晚風何苦過臺西  
斷送春歸

前調

春日

趙鼎

空籠簾影隔垂楊  
夢回芳草池塘  
杏花枝上蝶雙雙  
春晝初長  
強理雲鬟臨照  
暗彈粉淚沾裳  
自憐容豔惜

流光無限思量

前調

趙彥端

滿城風雨近重陽  
夾衫清潤生香好  
辭賡盡楚天長喚  
得花黃  
客勝不知門陋  
酒新如趁春狂  
故人相見莫  
相忘一語千觴

前調

鄭域

東風吹雨破花慳  
客羶曉夢生寒  
有人斜倚小屏山  
蹙損眉彎  
合是一釵雙燕  
却成兩鏡孤鸞  
暮雲修竹淚

留殘翠袖凝斑

前調

思遠道人  
院賞花

吳子孝

春風寒入蹋青天  
芒屨碧草蒼煙秋  
千風颭彩旗翩芳  
樹爭妍  
禪榻遠離塵境  
幾人能醉花前  
歌聲鳥語兩  
清圓再進金船

前調

衡山在座  
年八十九

吳子孝

高年座上有仙翁  
文章豪氣如虹  
分明南極畫圖中  
笑語融融  
賓客風流儒雅  
兒孫孝謹雍容  
桐陰滿院綠

簾風檀板金鍾

前調

莫是龍

浹旬風雨臥江城不勝蕭瑟離情夢回羅箔報春生昨夜寒輕金鼎細煎香雪玉甌新泛蘭英欲將幽事與誰評著意芳卿

前調

明媛

陸卿子

晴空煙裊柳絲微亂紅風綻猶飛杏花零落燕空歸門外鴉啼慵病不禁寬帶諱愁無那尖看香消斜倚畫

屏時此恨誰知

喜遷鶯

又一體雙調四十七字或加令字一名燕歸梁梁  
或作來一名早梅芳近一名鶴冲天一名春光好

喜遷鶯

南唐李煜

曉月墜宿煙微無語枕頻敲夢回芳草思依依天遠鴈  
聲稀啼鶯散餘花亂寂寞畫堂深院片紅休掃儘從  
伊留待舞人歸

前調

和凝



曉月墜宿雲披銀燭錦屏帷建章鐘動玉繩低宮漏出  
花遲春態淺來雙燕紅日漸長一線嚴妝欲罷轉黃  
鸝飛上萬年枝

前調

晏幾道

蓮葉雨蓼花風秋恨幾枝紅遠煙收盡水溶溶飛鴈碧  
雲中衷腸事魚箋字情緒年年相似凭高雙袖曉寒  
濃人在月橋東

前調

夏竦

霞散綺月垂鈎簾捲未央樓夜涼銀漢截天流宮闕鎖  
清秋 瑤臺樹金莖露鳳髓香盤煙霧三千珠翠擁宸  
遊水殿按涼州

前調

又一體

薛昭蘊

殘蟾落曉鐘鳴羽化覺身輕乍無春睡有餘醒杏苑雪  
初晴 紫陌長襟袖冷不是人間風景迴看塵土是前  
生休羨谷中鶯

前調

薛昭蘊

金門曉玉京春駿馬驟輕塵樺煙深處白衫新認得化  
龍身九陌喧千戶啓滿袖桂香風細杏園歡宴曲江  
濱自此占芳辰

前調

薛昭蘊

清明節雨晴天得意正當年馬驕泥軟錦連錢香袖半  
籠鞭花色融人競賞盡是繡鞍朱鞅日斜無計更留  
連歸路草和煙

前調

許棐

鳩雨細燕風斜春悄謝娘家一重簾外即天涯何必暮  
雲遮 釧金寒釵玉冷薄醉欲成還醒一春梳洗不簪  
花孤負幾韶華

前調

又一體

韋莊

人洶洶鼓鼗鼗襟袖五更風大羅天上月朦朧騎馬上  
虛空 香滿衣雲滿路鸞鳳遶身飛舞霓旌絳節一羣  
羣引見玉華君

前調

韋莊

街鼓動禁城開天上探人迴鳳銜金榜出門來平地一聲雷  
鶯已遷龍已化一夜滿城車馬家家樓上簇神仙爭看鶴沖天

前調

周邦彥

梅雨霽暑風和高柳亂蟬多小園臺榭遠池波魚戲動新荷  
薄紗幮輕羽扇枕冷簟涼深院此時情緒此時天無事小神仙

前調

周邦彥

白角簾碧紗幮梅雨乍晴初謝家池畔正清虛香散嫩  
芙蕖日流金風解愠一弄素琴歌韻慢搖紈扇訴花  
箋吟待晚涼天

前調

初夏

夏言

臨水閣倚風軒細雨熟梅天一池新水碧荷圓榴花紅  
欲燃薄羅裳輕紈扇睡起綠陰滿院曲闌斜轉正閒  
凭何處玉簫聲

前調

又一體

晏殊

風轉蕙露催蓮鶯語尚絲蠻堯莫隨月欲團圓真馭降  
荷蘭 褰油幕調清樂四海一家同樂千官心在御爐  
香聖壽祝天長

前調

晏殊

歌斂黛舞縈風遲日象筵中分行珠翠簇繁紅雲髻裊  
瓏璁 金爐煖龍香遠共祝堯齡萬萬曲終休解畫羅  
衣留伴綵雲飛

前調

又一體

馮延巳

宿鶯啼鄉夢斷春樹曉朦朧殘燈和燼閉朱櫳人語隔  
屏風香已寒燈已絕忽憶去年離別石城花雨倚江  
樓波上木蘭舟

前調

馮延巳

霧濛濛風淅淅楊柳帶疎煙飄飄輕絮滿南園墻下草  
芊緜燕初飛鶯已老拂面春風長好相逢攜酒且高  
歌人生得幾何

前調

晏殊



燭飄花香掩燼中夜酒初醒畫樓殘照兩三聲窗外月  
朧明曉簾垂驚鵲去好夢不知何處南園春色已歸  
來庭樹有寒梅

前調

晏殊

曙河低斜月淡簾外早涼天玉樓清唱倚朱絃餘韻入  
疎煙臉霞輕眉翠重欲舞釵鈿搖動人人如意祝爐  
香萬壽百千長

前調

又一體

毛文錫

芳春景暖晴煙喬木見鶯遷傳枝偎葉語關關飛過綺  
叢間錦翼鮮金毳軟百轉千嬌相喚碧紗牕曉怕聞  
聲驚破鴛鴦暖

前調

又一體  
殘夜

劉基

畫角斷篆香清斜月淡疎櫺露寒霜冷鵲頻驚歸夢不  
曾成湖上數聲沙鳥河漢漸低木杪起看北斗待天  
明雲白日華生

前調

吳子孝

堤柳碧曉川長簫鼓蕩春光畫船十丈勝蘭堂朱幕靜  
焚香 虎阜頻遊休厭攜客徐登紺殿雲邊好鳥喚斜  
陽遶座遠山蒼

前調

吳子孝

山欲暝暮生寒遊客盡知還高歌裊裊隔花壇猶自戀  
餘歡 惆悵真嫌不見蔓草野花爭豔誰家臨水倚闌  
干笑我愛東山

前調

吳子孝

香雨霽夢雲殘攜醉上春山山花應笑客長閒花好恰  
春闌山下溪流曲曲隨意草痕新綠清歌相勸酒須  
乾山色遶朱欄



御選歷代詩餘卷十六